



DEO OPTIMO MAX.
UNI ET TRINO,
VIRGINI DEI-PARÆ, ET S. LUÆ,
Orthodoxorum Medicorum Patrono.
QUÆSTIO MEDICA.

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesimo-septimo
mensis Januarii, anno Domini M. DCC. LII.*

P R Æ S I D E.

M. CLAUDIO DE LA VIGNE DE FRECHEVILLE,
Reginæ Medico Primario, necnon Regis & Serenissimæ Del-
phinæ ordinario, Doctore Medico.

An in febribus curandis venæsectio cautela tantum?

I.



A est solemnis à naturâ instituta lex, ut intra horæ minutum sexagies cor contrahatur, sexagies micent arteriæ. Quoties igitur datum intra tempus frequentius cor se se contrahet, salient ve arteriæ, toties hominem jure ac meritò febrile dixeris. Simplior hæc febris idea, eoque nomine commendanda imprimis, quòd & omni feбри & omni febris temporì conveniat. At quæ simplex in fronte febris, hæc quam multiplices formas induit! Quàm variis iis-que intricatissimis stipata graditur phænomenis, quæ feliciores forsan, ocu-

A

(a) De morb.
Epidem. sect.
8. cap. 12.

latiores ve posteri enodabunt, quibus verò evolvendis perperam insudarunt hætenus, in cæteris naturæ arcanis lincaï licet, physici. Viden ut lusus insolentes quandoque ludere amet! Misereque vexet ægros, Medicos torqueat! Ut quamvis & symptomatis & phænomenis sit fere sui similis, fucum faciat tamen, incautosque male ludat! Senferat illud non semel Sydenhamus febris versatile genium, querebaturque (a) quod in iisdem febribus, vertente anno, eâ methodo jugularentur ægri, quâ corrente anno feliciter fuerant liberati. Adeò verum est callidè sagaciterque Medico odorandam esse febrium indolem, ut in lubricæ praxeos aleâ constitutus, quasnam in partes agat se se, protinus videat, & præsentissima febris remedia, à cautelis quibusdam prudens valeat fecernere.

I I.

FEBRIUM omnium quæ extant, geminam quasi familiam constituit mus, *humoralium* scilicet, & *non humoralium*. Humorales ex sunt, quæ & materiam febrilem habent, & à vitiato sanguine oriuntur. Non humorales dicas, quæ materiam febrilem agnoscunt nullam, nec pendent à sanguinis corruptelâ; producuntur autem à vividâ nervosi systematis commotione. Hujus prosapiæ sunt febres à læsâ parte nervæ, à puncto tendine, à vividâ inflammatione, &c. de his mittimus quærere, sunt enim merè symptomatice, Agitur hîc tantùm de febribus primæ classis, quæ solæ morbum constituunt. Harum causam inquiris? Habes multiplicem. *Causa proxima* crebrior ipsamet cordis contractio. *Causa remota* res, quas vocat, non naturales. *Causa verò materialis* physicum quid, quod præfens febrim ponit statim; quo destructo, aut foras amandato cessat febris. Erit autem physicum illud, fluidum vitiatum, aut miasma quoddam in sanguine hærens, ibique vel per chyli vias delatum, vel ab impeditâ secretionem aut excretionem relictum, aut ex suppuratione parte resorptum, aut à corrupto aëre, corporibusve externo corpori applicatis insitum. Vix alium possis materiæ febrilis assignare fontem. Quo pacto autem tantos cieat tumultus materia hæc quandoque *tantillula*, quis explicet? Si quid tamen conjectando possumus augurari, triplici modo agere concipitur. Liquida inspissando, sanguini effervescentiæ motum conciliando, aut ipsas cordis stimulando fibras. In febre autem quocumque modo excitatâ, semper adest resistentia in capillaribus, quâ datâ faciliè mechanismum febrilem deducas. Objectos enim in capillaribus óbices perumpere non poterit sanguis, nisi actio cordis in resistentem columnam nitentis adaugeatur. Cordis autem actio non poterit intendi, quin fiat nervorum staminum quasi distractio, vividiorque commotio, unde ex economiæ animalis legibus, major erit spirituum in cor influxus, ac proindè crebrior cordis contractio. 2°. Datâ eadem resistentiâ in capillaribus, cor in systole suâ partem tantum sanguinis in ventriculis contenti exprimet, ergò ventriculi non omnino evacuati breviori temporis spatiolo replebuntur, ergò citius redibit altera contractio. Ex assignatis febrium causis indicationes exurgunt therapeuticæ, quibus utrùm respondeat venæsectio perpendendum.

I I I.

SI excellentium in arte quâcumque virorum, prima semper ea fuit præcipuaque regula, ut naturam æmularentur, quantò magis hæc eadem sacra Medicis esse debet, qui naturæ devoti & quasi mancipati, hanc in omnibus intueri, unicam sequi, ipsique vicariam quasi manum præbere gloriantur? Ut igitur faciem curantem Medico præmonstret, hanc propius intueri lubeat febres solentem, quadruplicique modo hoc opus ab-

folvi deprehendes. 1^o. (a) Quoties materialem febris causam insensibilis perspirati specie expellit. 2^o. Si materies vi febris subacta, soluta, mobilis reddita... sensibili quâdam evacuatione expellitur; hinc sudor, saliva, vomitus, &c. 3^o. Cum materia febris subacta, soluta, mobilis reddita, sanis... assimilata humoribus fuit sine ulla crisi. 4^o. Destructo materię febrilis fomite, sanato, verbi gratiâ, ulcere, &c. Quis autem talia à sanguinis missione expectet? An corruptos humores detrahet venæsectio? Quasi verò stupendâ prorsus electione, viam hanc affectaret circulationis torrente abrepta materia febrilis? An aciores hujusmodi retundat aculeos? An pus ex ulcere reformatum, miasmata aut ab aere hausta, aut à corporibus externæ cuti applicatis suppeditata evacuabit, destruet? An succi digestivi corriget vappiditatem aut inertiam, undè tot pravorum succorum apparatus? Credit Judæus Apella: nos verò præter vasorum depletionem, solidorum relaxationem, febrilique impetus remissionem qualemcumque, vix quicquam speramus. Veniunt in nostræ communionem opinionis melioris notæ Practici, observantque (b) malignas febres dissipatis viribus incrementum sumplisse majus à venæsectione, & intermittentes, lentas magis, diuturnas & rebelles factas fuisse. Cavebat Sydenhamus (c) à venæsectione in febris, præsertim in ægris minus sanguineis, monetque venæsectione, si celebretur, fieri ut in longissimum tempus morbus procurrat, atque ægri mille symptomatis, iisque periculosissimis exponantur. Horum vestigia premens Boerhaavius (d) venæsectionem ibi tantum suadet, ubi febrilem impetum frenare animus est, hancque audacter affirmat in febris intermittentibus (e) *semper per se nocere*. Consultius igitur ille, qui naturam amulatus, materiam febrilem sataget diluere, solve, mobilem reddere; sicque naturæ vires fovebit, nedum venæsectione enervet, ut datas sibi in debellandâ febre partes gnaviter alacriterque tueri possit. Sapientius qui muniens sese adversum vim præjudiciorum à venæsectione in febris abstinabit, Celsiani hujus moniti memor, (f) *sanguinem mitti novum non est, sed nullum penè morbum esse in quo non mittatur, novum est*.

I V.

S U U S est tamen venæsectioni locus, sua sunt illi tempora; est ubi illam, non ut præsens febris remedium, sed ut prudentem cautelam adhibeas. Jacet febre correptus vir torosus, fectus, sanguineoque habitu; qualem heu videas symptomatum fœvitium! fervidâ vi rapitur sanguis, pulsus interrogantis urit digitos curis ignea: est flamma medullas; ignei scintillant oculi; caput dolor occupat atrocissimus; delirat... quid plura? Febris quasi laxatis furens habenis, undique minatur, ubique portat incendium; aut cita mors venit, aut pessima manent incommoda. Ergò age, debacchanti ferocius frænum injice, venam pertunde, imminutisque naturæ viribus, primò febrim compesce, causam deindè debellaturus. Times ne, ruptis astu febrili tenellulis encephali vasis, lethalis oriatur apoplexia? Ne sanguinis nimia velocitate liquidissima corporis dissipentur, hæreatque sanguis in tortuosis vasorum anfractibus immeabilis? Ad venæsectionem configito, imminutâ sanguinis copiâ, remittet vasorum tensio, liberiore fluat sanguis alveo, tutusque ab omni periculo febris causam exagitabis. Hâc methodo ad gloriam iter affectabant (a) Sydenhamus, (b) Hoffmannus, Boerhaavius; quorum, brevitati consulentes, verba mittimus; at ne tantorum autoritate nominum ductus modum transilias, nec vitando caribdim in syllam incidas.

(a) Boerhav.
Aphor. 194 &
91.

(b) Hoffm.
de Febrib. p.
502. Edit.
1749.

(c) De morb.
Epidem. Sect.
1. cap. 5.

(d) Aph. 600.

(e) Aphor.
762.

(f) Lib. 11.
cap. 10. pag.
77.

(a) Sect. vi.
cap. 4. febr.
Comm. ann.
1661.

(b) Tract.
de febr. pag.
102. Vid. &
differt. de ve-
næsectioni ab-
usu.

4

scito non tam morbi, quàm naturæ vires venæsectione frangi. Caveas igitur ne dum quibusdam voles occurrere symptomatis, ita naturæ vires præsternas, ut suum opus nequeat absolvere.

V.

OPINIONEM nostram omnia comprobant; nec solius rationis patrocinio, sed Medicorum omni ætate præstantissimorum suffragiis nititur. Suum sibi posset vindicare Hippocratem, posset & Galenos, Celsos, Duretos, Hollerios, quales quantosque Viros, appellare. Attamen cum abundet venæsectionis & hostibus & patronis, cum alii venam secare ament, alii gravissime pertimescant, non deerunt fortasse qui Græcos nobis obtrudant usque ad animi deliquium, feliciterque sanguinem mittentes; id quidem ultrò concedimus. At quid eorum exemplum contra nos? Attende tali sanguinis missione ad deliquium usque, plerumque aut vomitum excitari, aut alvum subduci, aut sudoribus ægrum disfluere. Quid mirum igitur si evacuata materiali febris causâ, succedat curatio; quæ tunc, non tam sanguinis missioni tribuenda, quàm in hujus effectum refundenda. Præterea cum talem sanguinis missionem senilis hæc non semper sequatur evacuatio, neglectâ tutiori methodo anceps tentare remedium non decet. Instabit venæsectionis propugnator saltem esse febres quasdam à plethorâ, quarum venæsectionis remedium; quasi verò plethora sola, non verò labe humoribus ab ipsâ plethorâ inusta, febrim excitaret. Ratum igitur inconcussumque manebit non tam ad sanandas febres, quàm ad graviora earum præcavenda symptomatica, venæsectionem esse instituendam.

Ergò in febribus curandis venæsectio cautela tantum.

DOMINI DOCTORES DISPUTATURI.

<i>M. Franciscus - David Herissam, Regiæ Scientiarum Academia, Regiæque Societatis Londinensis Socius,</i>	<i>M. Carolus - Franciscus Boutigny des Preaux,</i>	<i>M. Leander Peaget, Consiliarius Medicus Regis ordinarius in ejus Castellæ.</i>
<i>M. Jacobus - Franciscus le Chat de la Sourdière, Chirurgia Professor.</i>	<i>M. Petrus Lalouette,</i>	<i>M. Ludovicus - Alexander Vicillard,</i>
<i>M. Joannes - Franciscus Jæz,</i>	<i>M. Petrus-Josephus Macquer, utriusque Pharmacia Professor, & Regiæ Scientiarum Academia Socius,</i>	<i>M. Ludovicus - Guillelmus le Monnier, Consiliarius Medicus Regis ordinarius in Nosocomio Regio San Germani in Layâ, Regiarumque Parisiensis, Londinensis ac Berolinensis Academicarum Socius.</i>

Proponēbat Parisiis EDMUNDUS-THOMAS MOREAU, Senonensis, Saluberrimæ Facultatis Medicinæ Parisiensis Baccalaureus, A. R. S. H.

1752, A SEXTA AD MERIDIEM.

Typis QUILLAU Universitatis & Facultatis Medicinæ Typographi, 1752.